

Այսօր տեղի է ունեցել Հայաստանի Հանրապետության կառավարության բարեգործական ծրագրերի համակարգման հանձնաժողովի հերթական նիստը, որը վարել է հանձնաժողովի նախագահ Ս. Տեր-Սիմոնյանը:

Հանձնաժողովը քննարկել է 7 բարեգործական ծրագիր:

Մասնավորապես, քննարկվել է հաստատվել են`

«Հայաստան» համահայկական հիմնադրամի կողմից իրականացվող Կոտայքի մարզի Չարենցավանի բժշկական կենտրոնի մանկաբարձագինեկոլոգիական բաժանմունքի հիմնանորոգման նախագծում ծրագիրը:

«ԱՌԴԱ» բարեգործական հիմնադրամի կողմից իրականացվող «Վանաձորի «Տարոն - 3» թաղամասում 15 բնակարանի կառուցում» ծրագիրը:

«Վորլդ Վիժն Ինթերնեյշնլ» միջազգային բարեգործական կազմակերպության հայաստանյան մասնաճյուղի կողմից իրականացվող «Հայաստանի Հանրապետության Լոռու մարզի Հաղպատ և Արևածագ համայնքների մանկապարտեզների խաղահրապարակներում խաղասարքերի տեղադրում» ծրագիրը:

«Բարձունք 5165» ֆրանսահայ բարեգործական հասարակական կազմակերպության կողմից իրականացվող «Էջմիածին 13»; «Գյումրի 13» եւ «Վարդենիս 13» ատամնաբուժական դիսպանսեր ծառայության մատուցում, ինչպես նաեւ «Գյումրի 13» ռադիոլոգիայի դիագնոստիկ ծառայության մատուցում:

Նիստում քննարկվել է հաստատվել են նախկինում հաստատված ծրագրերի շրջանակներում իրականացվող հարակից գործարքներ եւ տարբեր կազմակերպությունների հասցեներով ստացված բարեգործական բեռների ներմուծման ծրագրեր:

Քննարկվել է հաստատվել է նաեւ Հայաստանի Հանրապետության կառավարության բարեգործական ծրագրերի համակարգման հանձնաժողովի 2009 թվականի դեկտեմբերի 11-ի «Եկեղեցիների համաշխարհային խորհրդի Հայաստանյան միջեկեղեցական բարեգործական կլոր սեղան» հիմնադրամի կողմից իրականացվող 2010 թվականին իրականացվող «Նվերներ Հայաստանի երեխաներին» ծրագրի մասին» N Մ- 862-Ա որոշմամբ հաստատված ծրագրի որակումը փոփոխելու (չեղյալ ճանաչելու, կասեցնելու) մասին որոշումը: